



123. ԴԵՐԸ ՆԱՆ ՏԸՎԱՐԱՄԸ

Մին տըվարած ա ինո՛ւմ, լոխճիկն անա հախկը ինքյ ա օնում, դերին անա կարում չի ինքյ օնըն։ Հինչ անում ա, դաշանք-պըղատանք ա անում, դերն ուրան հախկը տամ չի։

Մին օր ժողովուրթը վըեր օղում ըն ժամումը հըվաքվընն, դերն էլ քարոզ պիտի կարթի, ճեղի քյինսմ ա ժամը, վըեր ժամն օրհնն։ Տըվարածն էլ ճեղի կյամ ա նի մննում խորանը, դերը ժամն ուրհնելիս վըեր ասում ա՝ տեր ողորմյա, տըվարածը խորանան թա՛ շեմ ողորմյա։ Դերը գյոնդնում ա թա խոսողն աստված ա, ասում ա խե՛ չըս ողորմյա, տըվարածը թա՛ շորերըտ հանն, ողորմյամ։ Դերը վըեր շորերը լոխ հանում ա, մնամ տըկլոր, նորից ա ասում՝ տեր ողորմյա, տըվարածը նորից թա՛ շեմ ողորմյա, դերը թա՛ խե՛ չըս ողորմյա, տըվարածը թա՛ կուռնըերտ տիր քըմակետ, կյըվազանըտ էլ կուռնըերտ դաթումը, ողորմյամ։

Դերը վըեր կուռնըերը քըմակեն խաչ ա անում, կյումվազանն էլ տինո՛ւմ դաթումը, տըվարածը խորանան տո՛ւն ա կյամ, ծընոքեն սըղեն խոլխոնդնտ մհակավը մհհետ դերին կըլխավը նի հըսցնում, դերին իրեսան արոնը պըլթամ ա, արոնը վազ տալավ, կյումվազանն էլ մաշկեն խաչ ըրած կուռնըերն դաթումը տիրած վըեր ա կյամ, վըեր փախճի։ Վըեր քյինամ ա թա մղակավը տո՛ւն կյա, կյումվազանը մղակեն կուխկերքեն նի յա կյամ, դերն իրեսեն յիրա վըեր ա ինգյոնում...

Վըեր եր ա կենում, իտի տըկլոր ժամեն կոխկավն օղում ա թա փախճի, մին պառավ տըեսնում ա, ասում.—Ա՛ դեր, ա՛ դեր, սօր ամսի քանի՞սն ա։ Դերը թա՛ ամըես, ամըես, հինչ ամըես, սուրփըերը կըտաղալ ըն, մարթ ըն կրակ տամ, տու տո՛ւն ըս եկալ ամըես ըս հըրցնում։